

II, 45: 46: Psalm, LXII, 10: XXCIX, 5: XCVI, 10: XCIX, 4. אֶרֶץ au-
 tem (unde per Metathesin Welt) est οἰκουμένη seu orbis habitabilis,
 uti & in hâc significatione Metonymicâ sumitur Psalm. XIX, 5: XXXIII,
 8: Proverb. II, 31: Atque hoc denique confirmant duæ illæ voces
 אֶרֶץ in Psalm. IX. *populi unius matris*, nempe *Hevæ*, uti explicat
 Job. Tarnovius, & עַמִּים, quod est in loco parallelo Psalm. XCII, 9:
populi varie nationis & lingue, qui (juxta significationem suæ radicis)
operiunt & obscurant totam terram propter multitudinem, uti hæc phra-
 sis seu periphrasis occurrit Numer. XXII, 5: tanquam locustæ (quæ &
 ipsæ nominantur *populus* seu *exercitus*) in multitudine, quod bis
 occurrit in libro Judicum cap. VI, 5: VII, 12. Idem judicium confir-
 mat Rex sanctus in Psalmo centesimo decimo loquens de Messîâ, *Con-*
teret in die iræ suæ reges, judicabit in nationibus, implebit eas corporibus
seu cadaveribus occisorum, conteret caput super terras multas. Ubi B.
 Glassius (β) ponit hosce duos aphorismos seqq. Ut implendo cada-
 veribus infernum Christus se judicem justissimum in die extremâ
 declarabit; ita implendo electorum suorum catervâ cœleste re-
 gnum, JESUM & Salvatorem se eminentissimè ostendet. Caput
 Satanæ post tyrannidem exercitam confringitur, caput Christi post
 passionem & mortem erigitur: patiamur & nos cum Christo, ut in
 eo ceu capite nostro exaltemur & videamus Satanam subjectum
 pedibus nostris citò Rom. XVI, 20. Rectissimè dicit, *in Christo*, aliàs e-
 nim si extra illum & absque illo in judicio rigoris divini comparue-
 rimus, neque justificabimur, neque exaltabimur, neq; salvabimur.
 Agnoverat hoc etidem David, qui licèt Psalm. VII, 9. postulet, *Judica*
me Jehovah secundum iustitiam & integritatem meam, postea tamen
 Psalm. CXLIII, 2: *submississimè deprecatur, Ne intres in iudicium, Do-*
mine, cum servo Tuo, quia nullus videns in conspectu Tuo justificabitur,
 in loco enim priori sermo ipsi erat de *justitiâ facti* seu *causâ*, quia insi-
 dias regno & vitæ Saulis Regis sui non struxisset, uti quoque intelli-

gen.

(β) Christolog. Davidicæ Sect. V, th. 10, & 12.